



N/ wer der auch wird seyn/ so künfftig ewer Leben/  
 Der Zeit die nach vns kompt/ wird zuerkennen geben/  
 Wird loben Ewer Thun/ Verstand/ Beschickligkeit/  
 4. Vnd Ewer freundligkeit kund thun der Ewigkeit.

Wird sagen/ daß ihr habt/ was weise Leute zieret/  
 Bründlich gelernt/ geacht/ was vns zur Tugend führet.

8. Ja/ wie ihr nachgetracht stets der Berechtigkeith/  
 Die Pietet geehrt/ geliebt Gottesfürchtigkeit.  
 Ihr habt durch grossen Fleiß von Jugend an erfahren/  
 Was euch zum Regiment nun dient in alten Jahren.

12. Vorauf was Rechtens ist/ habt ihr gelernt voran/  
 Was vns geschrieben für/ der groß' Justinian.

Ihr habt durch viel erfahren gescherffet ewre Sinnen/  
 Was wol vnd klug gethan/ wist ihr recht außzusinnen.

16. Der Künste Göttliche thun/ Subtile Wissenschaft/  
 Hat Euch viel Ruh' gemacht/ die Zeit oft weggerafft.

So hat der Reiche Gott die zweye Euch gegeben/  
 Tugend vnd weise Kunst. Oberseeligs Leben!

20. Wer Tugend vnd Verstand wo von einander reißt/  
 Der nimbt der Ehr ihr Pfund/ dem Leibe seinen Geist.

Was ihr redt/ das ist war. Seyd nicht wie mancher pfeget/  
 Der mehr Hertz in dem Mund/ als Mund im Hertzen träget.

24. Drumb hat das Ehren-Kind/ der Preiß/ euch stets geliebt/  
 Drumb fama selbst den danck der Tugend giebt.

Ja vnser Phoebus Euch der Musen Väter nennet.  
 Vnd was ihr ihm gethan/ mit treuem Danck erkennet/

28. Vnd bleibt dabey bedacht/ wie er von Hand zu Hand  
 Weg' machen ewren Ruhm/ der grossen Welt bekand.

Vnd wie er wiederum/ euch dafür könne geben/  
 Wo durch ihr auch den Todt mögt rühmlich vberleben /

N ij

Vnd